

22 SEP 1998

Shahrizat-Sukom

KEJAYAAN SUKAN KOMANWEL HASIL SEMANGAT BERPASUKAN

KUALA LUMPUR, 22 Sept (Bernama) -- Kejayaan Malaysia menganjurkan Sukan Komanwel ke-16 dengan cemerlang membuktikan rakyat negara ini boleh mencapai apa jua aspirasi jika bersatu padu dan bekerja sama dengan semangat berpasukan, kata Setiausaha Parlimen Datuk Shahrizat Abdul Jalil.

Katanya dunia kini pasti menghormati Malaysia yang telah menunjukkan kebolehan menganjurkan satu kejohanan besar dengan jayanya.

"Semua ini telah dimungkinkan oleh kepemimpinan Perdana Menteri Datuk Seri Dr Mahathir Mohamad," kata Shahrizat, SUP Kementerian Belia dan Sukan dan juga anggota Parlimen Lembah Pantai.

Katanya di bawah kepemimpinan Dr Mahathir yang berkebolehan, berani dan bervisi, kerajaan telah menentukan kesejahteraan dan kemajuan rakyat serta menaikkan imej dan martabat negara.

"Rakyat tidak boleh memandang ringan tentang kestabilan, keamanan dan kemakmuran negara kita dan harus memeliharanya dengan baik," kata beliau.

-- Bernama